



UNIVERSITÄTS-
BIBLIOTHEK
PADERBORN

Universitätsbibliothek Paderborn

Basilea Sacra Sive Episcopatus Et Episcoporum Basileensium Origo Ac Series

Sudan, Claudius

Brvntrvti, 1658

59. Joannes V. à Fleckenstein.

urn:nbn:de:hbz:466:1-11463

Anno Christi muneris, quo se abdicabat, vocavit Ioannem à Fleckenstein Abbatem Selzensem Ordinis Cluniacensis. Quod factum summo Pontifici probatum simulque potestas indulta Episcopo, annuo Abbatiae vectigali perfruendi.

1424.

IOANNES V.

à Fleckenstein.

Basileensis Episcopus.

LIX.

ANno 1423. 29. Maij, stipatus quadringentis quinquaginta equitibus, Basileam solenni apparatu invehitur Ioannes à Fleckenstein. Pompam hanc præ cæteris illustrabant Fridericus à Fleckenstein Vormatiensis, & Rabanus ab Helenstat Spirensis, Episcopi, uterque Ioanni consanguinitate propinquus, in eum finem accersiti, ut Ioanni plus aucto-

auctoritatis conciliarent: tum, ut
is ope & consilio subnixus, jura que-
dam ab aliis iniuste occupata aut re-
tenta facilius recuperaret. Ante-

Anno
Christi
1424.

cessor Ioannis Hartmannus, S. Vrsi-
cinum, Montem Liberum, aliaque
Clientelis & ditione prædia illustria,
quæ olim Episcopus Humbertus op-
pignoraverat Comiti Neoburgensi,
repræsentato quantumvis lytro fru-
stra repetiverat. Eam Ioannes ob
causam in cassum recidere animad-
vertens, quidquid amica Iuris viâ
tentatum hætenus, collectis præter
insignem peditatum, sexcentis equi-
tibus Ioannem Thiersteinium præ-
ficit, & bellum inferre Comiti Neo-
burgensi mandat. Comes, ubi ter-
ris suis armatam vim incumbere
sensit, ne omnibus exueretur, post
cladem aliquam, & arcium expu-
gnationem, inducias perlibenter ad-
mitrit, quibus hostile ferrum tanti-
spēr

Anno
Christi

sper habetet, & ipse par referre pari
interim meditetur.

1425.

Anno namque 1425. ad signa u-
trimque lecti convolant exercitus,
Basileensibus hinc ad jussa prom-
ptissimis, & subsidarium pecuniæ
onus ab Antistite impositum pro ca-
pitum & fortunarum numerato
censu, haud gravatè conferentibus.
Burgundus inde, ut celeritate con-
silia Episcopi præverteret & distur-
baret, aut necdum satis paratum ob-
rueret, primus ferro flammâque læ-
vit, vindictâ flagrans & cupiditate
extortas ante annum sibi arces recu-
perandi. Basileenses eo nuncio mi-
nimè consternati, ubi junxerunt Epi-
scopi copias, oppidulum Clemont
expugnant, & Elicourt, ruptis ite-
rum, quas ambæ partes pepigerant,
induciis, Novembri mense funditus
incendio delent; sed mox anno se-
quenti, delectus arbiter, Ioannes,
Fri-

Friburgensis Comes, fragilem ha-
ctenus pacem recomponit.

Anno
Christi

Anno 1431. Martini V. ac post il-
lum Eugenij IV. mandato, Basileen-
sis Concilij Præses nominatur Iulia-
nus titulo S. Sabinæ Cardinalis. Vi-
gesimo tertio Iulij in Ecclesia Cathe-
drali, ac tum plerique Patrum con-
fessus apud Dominicanos celebrati.
Auspicatum quidem huius Conci-
lij adversus illapfos errores coacti
erat exordium, nisi progressus pu-
dendâ audaciâ, & insana temerita-
te, sedis Romanæ dignitatem omni
humanâ maiorem, ut sibi subie-
ctam proculcasset, atque adeo in
monstruosi Conciliabuli speciem tur-
piter degenerasset. Bononiam evo-
cârat Eugenius collectos Basileæ Pa-
tres, transmissâ ipsis 12. Novembris
bullâ, ut commodiùs viciniore loco
res controversæ agitentur. Ponti-
ficis litteris posthabitis, in æde Ca-
thedrali

Anno
Christi
1431.

thedrali 14. Decembris primùm con-
fident. Primum rursus urget man-
datum Eugenius, minas addit ful-
minaturi anathematis, ni pareant, &
inclinent sacrae sedis pervicacem vo-
luntatem. Persistunt illi tamen in
sua obfirmati cotumaciâ, detre-
ctant imperium, audent, scelus toti
posteritati abominandum! Ponti-
ficem ad dicendam causam citant,
in jus vocant; adeo creverat eo-
rum arrogantia omnes modestiæ
limites prætergressa. Et quamvis
Imperator Sigismundus (quo fulcro
spes illi suas unice firmabant) à su-
scepto proposito nefario deterreret,
suaderet amica publicæ tranquilli-
tatis studia, dehortaretur valentissi-
mis rationum momentis ab immi-
nenti periculosissimo schismate; il-
li tamen, ne lato quidem ungue, ab
impio sensu discedunt; non esse
Pontificis dare Concilio leges, sed
ab

ab eo accipere, se agnoscere superio-
rem neminem, eminere supra om-
nes, potestatis amplitudine nullis
circumscriptâ terminis. Hæc aliâ-
que id genus, plausibili retinendæ
auctoritatis suæ schemate, protervè
nimis credulæ plebi, religionis fucô
illudebant, superciliosâ insuper ac
intolerabili impudentiâ Sacræ tiaræ
abrogationem Eugenio graviter
comminati. Sed bruta erant hæc
debilium nimis Titanum fulmina,
quæ ferebantur infrâ, nec summita-
tem Pontificiam poterant attingere.
In hac rerum perturbatione Sigis-
mundus, annum jam integrum ver-
sabatur in Italia, atque, ut malo præ-
sentaneum aliquod abhiberet re-
medium, scriptis Viterbio litteris
decimo Maij anno 1432. Basileæ
convocatos Patres seriò commone-
facit, ne quid inconsultò aggredian-
tur, antequam ipse cum Pontifice
Ro-

Anno
Chr. stæ
1431.

anno
Abristis
1431

Romano mitiorem reconciliationis
viam iniisset. Romam itaque pro-
fectus, & post coronam ab Eugenio
impositam, Basileam rursus ex Italia
redux 2. Octob. primam habuit sol-
licitudinem. ut pestilens damnandi
Pontificis averteret consilium, dum
mensis lapsuri spatium melius quid
retegeret. Eugenius perpenso ma-
ture lubrico Ecclesiæ statu, quam-
vis in fontes animadvertere meri-
tissimâ æquitatis severitate potuisset,
animis tamen exulceratis oleum ap-
plicat, ne aceto infligendarum pœ-
narum ad exitium usque proritaren-
tur. Minas itaque ponit, bullas
publicatas revocat, Concilium Ba-
sileense probat, Concilij Præsides
legit Iulianum S. Sabinæ, Iordanum
Sabinensem, Petrum Albanensem,
Nicolaum S. Crucis in Hierusalem
& Angelottum S. Marci Presbyteros
Cardinales cum aliquot Italiæ Epi-
scopis.

scopis. His igitur, sed non nisi post ^{Anno} acerbas dissensiones admissis, ^{Christi} audit
Boëmorum Græcorumque legati.
Interim Ioannes Episcopus Basileen-
sis apoplectica membrorum hebe-
tatione extinguitur 20. Decembris,
1436. & funebres ipsi exequias hono- 1436
rificentissime persolvunt Concilij
Patres. Is fuit Princeps, si alius,
de Episcopatu præclare meritus, qui
divulsas arces Spiegelberg in Monte
libero, Goldenfels, Istein & Pyrseck
in ditionis complexum revocavit.
Numeraverat etiam pecunias redi-
mendo castro Kalenberg Comiti à
Villari ob æs contractum oppigne-
rato; nec multo, post mortem Io-
annis, exacto tempore, id pretium
persolutum est. Illam vero pecu-
niarum vim & opum copiam, Ioan-
ni comparaverat, victus moderatio,
exiguus culinæ focus, famulorum
nullus penè numerus, quantumvis

V

ob

Anno
Christi

ob Decretum Concilij sess. 21. festi-
quianno, consuetis in Confirmatio-
ne beneficiorum Annatis, hoc est,
annuis Episcopatus sui redditibus ca-
ruisset.

FRIDERICVS II.

1437.

Ze Rhein.

Basileensis Episcopus.

L X.

NVmeratis Canonorum suffra-
giis, haud multò inferior Fride-
rico Burcardus à Rathsamhausen,
dubiam propè fecit electionem:
sed inclinatus Patrum Concilij vo-
tis & rogatu, destitit prensare digni-
tatem, quam viciniore gradu jam
propè tenebat Fridericus, ab Euge-
nio postea 2. Martij 1437. confirma-
tus. Circa id ipsum tempus, Basileam
appulit Græcorum Legatus
Ioannes Dissipatus, & expositis pa-
lam